



Guru tidak perlu mengambil cuti untuk menghadiri kelas kerana kelas diadakan hanya sekali sebulan pada hujung minggu.

*“Dengan jadual kelas sekali dalam sebulan dan dijalankan di setiap negeri, pelajar tidak perlu kluatir pembahagian masa kerana di AeU pembelajaran dikhususkan mengikut keperluan pelajar”*

Profesor Dr Juhary Ali,  
Dekan SAHUSS

# Bekerja, belajar dalam satu masa

» Peluang guru Pendidikan Islam peroleh ijazah lebih selesa di AeU

**S**tigma kekangan masa bagi golongan bekerja untuk menyambung pengajian ke peringkat lebih tinggi bukan hanya berlaku pada mereka yang bekerja di sektor swasta, ia menjadi alasan yang sama bagi kakitangan kerajaan termasuk guru.

Jangkaan dari pelajar yang semakin tinggi terhadap pengetahuan dan teknik pedagogi guru memungkinkan pemilihan Ijazah sebagai penanda aras baru dalam karier guru serentak usaha Bahagian Pendidikan Guru (BPG).

Jika sebelum ini melalui Sekolah Pendidikannya, Asia e University (AeU) memperkenalkan program Ijazah Sarjana Muda Pendidikan pengkhususan Pengajian Bahasa Melayu, Pengajaran Bahasa Inggeris sebagai Bahasa Kedua dan Pendidikan Awal Kanak-Kanak, kini Pusat Pengajian Sastera, Kemanusiaan dan Sains Sosial (SAHUSS) AeU pula memperkenalkan program Ijazah Sarjana Muda Pendidikan dengan pengkhususan Pengajaran Pengajian Islam Peringkat Sekolah Rendah.

## Subjek tepati kehendak semasa pasaran

Sebagaimana guru perlu mempunyai pelbagai kemahiran dalam menarik minat pelajar, program ini turut menawarkan subjek merangkumi kaedah pedagogi dan psikologi. Ia selaras keperluan memahami kehendak pelajar peringkat rendah agar ilmu itu lebih mudah untuk disampaikan.

“Mengambil kira keperluan semasa, kami turut memasukkan subjek seperti Perkembangan Emosi dan Sosial Kanak-Kanak, Psikologi Pendidikan dan Kanak-Kanak dan Keperluan Istimewa. Ia bagi menyediakan guru agama yang siap siaga dari aspek akademik, emosi dan mental apabila berhadapan dengan pelajar,” ujar Dekan SAHUSS, Profesor Dr Juhary Ali.

## Laluan miliki ijazah lebih fleksibel

Bagi guru agama yang memiliki diploma diiktiraf MQA sama ada dari Institut Pendidikan Guru (IPG) mahupun IPTA/IPTS, mereka mempunyai peluang memendekkan tempoh pengajian melalui pemindahan kredit bagi subjek yang relevan sehingga maksimum 30 peratus dari nilai kredit keseluruhan.

Ini bermakna, guru dapat mengurangkan sehingga satu tahun tempoh pengajian berdasarkan pengambilan tiga subjek bagi setiap semester.

“Bagi mereka yang tidak mempunyai diploma dalam bidang pendidikan namun berminat mengikuti program ini, mereka boleh memohon melalui syarat pengambilan

terbuka iaitu memiliki sekurang-kurangnya PMR atau SPM dan berumur sekurang-kurangnya 21 tahun ketika permohonan dibuat.

“Ini selaras konsep pembelajaran sepanjang hayat iaitu memberi peluang yang sama kepada mereka yang kaya dengan pengalaman namun tidak memiliki sijil berkaitan.

“Dengan jadual kelas yang ditetapkan sekali dalam sebulan dan dijalankan di setiap negeri di Malaysia, pelajar tidak perlu kluatir perihal pembahagian masa kerana di AeU pembelajaran dikhususkan mengikut keperluan pelajar,” kata Juhary.

Pengambilan pertama untuk program ini akan dibuat pada sesi September 2013 dan pendaftaran boleh dibuat secara bersemuka di kaunter pendaftaran di Jalan Sultan Sulaiman, Kuala Lumpur, melalui wakil di Pusat Pengajian AeU di setiap negeri atau dalam talian di [www.aeu.edu.my](http://www.aeu.edu.my).

## Pusat pembelajaran di seluruh Malaysia

Bagi memudahkan proses pembelajaran, AeU membuka pusat pengajian di seluruh Malaysia dan terletak di pusat bandar utama negeri atau daerah. Setiap pusat pengajian dilengkapi kemudahan asas dan boleh diakses dengan mudah berdasarkan lokasinya yang strategik.

Antara perkara utama diberi perhatian dalam memilih cabang pendidikan adalah aspek ikhtisas atau pentauliah. Sebagaimana AeU memandang serius aspek ini, kesemua program akademik bukan eksekutif AeU memperoleh pengiktirafan MQA.

“Kami memastikan kualiti kandungan program dan ahli akademik terbabit bertepatan dengan peraturan ditetapkan,” ujar Profesor Dr Alwi@Abdullah Hassan, seorang kakitangan akademik SAHUSS yang mempunyai pengalaman luas dalam bidang Pengajian Islam dan Perbankan Islam.

Guru atau mereka yang berminat untuk mengikuti program ini boleh mendapatkan pinjaman pembiayaan dari Perbadanan Tabung Pendidikan Tinggi Nasional (PTPTN) atau membuat bayaran melalui pemotongan tabungan melalui KWSP.

Untuk maklumat lanjut berkenaan AeU, layari [www.aeu.edu.my](http://www.aeu.edu.my) atau hubungi 1-300-300-238.